

Zbirka medijskih objava

Vlada Brčko Distrikta_kliping_dnevno,
za razdoblje 10. 2. 2020

Broj objava: 9

Internet: 3

Štampa: 6

Teme praćenja:

Vlada Brčko Distrikta: 3

Gradonačelnik: 1

Skupština Brčko: 0

Brčko: 5

Vlada Brčko Distrikta:

Internet	Naslov	Ministar Košarac održao sastanak s članovima Vlade Brčko distrikta BiH		
Serijski br. 1	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 7. 2. 2020		
Stranica u zbirci: 7	Autor	Unknown		
	Teme	Vlada Brčko Distrikta		

Internet	Naslov	Brčko: Obuka kandidata prijavljenih po Programu samozapošljavanja u poljoprivredi		
Serijski br. 2	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 8. 2. 2020		
Stranica u zbirci: 9	Autor	Unknown		
	Teme	Vlada Brčko Distrikta		

Internet	Naslov	Da li će Sekretarijat za rad i radne odnose u Brčkom zaista zaštititi prava radnika?		
Serijski br. 3	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 8. 2. 2020		
Stranica u zbirci: 11	Autor	Unknown		
	Teme	Vlada Brčko Distrikta		

Gradonačelnik Brčko Distrikta:

Štampa	Naslov	ЈАЧА САРАДЊА СА ЕИТИТЕГИМА		
Serijski br. 1	Medij; Doseg	Večernje novosti - Republika Srpska; , Bosna i Hercegovina	Stranica: 24	Površina: 47 cm ²
	Rubrika, Datum	Republika Srpska; 10. 2. 2020		
Stranica u zbirci: 12	Autor	M. D.		
	Teme	Gradonačelnik Brčko Distrikta		

Brčko:

Štampa	Naslov	Mjesečno isporučuju 150 tona zavarenih metalnih konstrukcija		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 27	Površina: 202 cm ²
	Rubrika, Datum	Biznis; 10. 2. 2020		
Stranica u zbirci: 13	Autor	Lj.Ljubojević		
	Teme	Brčko		

Štampa	Naslov	Povređen u lančanom sudaru kod Brčkog		
Serijski br. 2	Medij; Doseg	Euro Blic; , Bosna i Hercegovina	Stranica: 13	Površina: 94 cm ²
	Rubrika, Datum	Hronika; 10. 2. 2020		
Stranica u zbirci: 14	Autor	G. O.		
	Teme	Brčko		

Štampa	Naslov	SDP kopa rovove ka DF-u		
Serijski br. 3	Medij; Doseg	Oslobođenje; , Bosna i Hercegovina	Stranica: 6	Površina: 619 cm ²
	Rubrika, Datum	Događaji; 10. 2. 2020		
Stranica u zbirci: 15	Autor	Džaferović Adem		
	Teme	Brčko		

Štampa	Naslov	CIA misli da je u BiH 3,8 mil. stanovnika, Agencija 3,5, demografi da nas je svega 2,7 mil.		
Serijski br. 4	Medij; Doseg	Večernji list; , Bosna i Hercegovina	Stranica: 5	Površina: 571 cm ²
	Rubrika, Datum	Aktualno; 10. 2. 2020		
Stranica u zbirci: 17	Autor	Krešić Zoran		
	Teme	Brčko		

Štampa	Naslov	Struka podijeljena o doživotnom zatvoru, kazna do godinu može se i otkupiti		
Serijski br. 5	Medij; Doseg	Večernji list; , Bosna i Hercegovina	Stranica: 14	Površina: 481 cm ²
	Rubrika, Datum	Crna kronika; 10. 2. 2020		
Stranica u zbirci: 19	Autor	Selimović Braco		
	Teme	Brčko		

Ministar Košarac održao sastanak s članovima Vlade Brčko distrikta BiH

Petak, 07/02/2020 14:13



[1]

Ministar vanjske trgovine i ekonomskih odnosa BiH Staša Košarac boravio je danas u službenoj posjeti Brčko distriktu BiH gdje je u Gradskoj vijećnici održao sastanak s članovima Vlade Brčko distrikta BiH na čelu sa gradonačelnikom Sinišom Milićem. Članovi brčanske Vlade imali su priliku da se upoznaju s programom rada ovog ministarstva, ali i metodologijom aktivnosti kada je u pitanju usaglašavanje svih odluka koje se donose i na nivou ministarstva i na nivou Vijeća ministara BiH.

Ministar vanjske trgovine i ekonomskih odnosa Staša Košarac istakao je da je predsjedavajući Vijeća ministara BiH Zoran Tegeltija najavio visok stepen koordinacije aktivnosti s nižim nivoima vlasti, prije svega vladama entiteta i Brčko distrikta BiH.

„Na matrici takve politike Vijeća ministara BiH ne preostaje ništa drugo nego da zajedno radimo i da imamo radne periodične sastanke. Želio bih da afirmišem saradnju s entitetskim ministrima uvažavajući i specifičan status **Brčko** distrikta BiH kao i sa koordinatorom Distrikta u Vijeću ministara BiH, jer smatramo da je to dobar format. Prethodnih dana sam imao intenzivne sastanke s entitetskim ministrima i na tom nivou postoji potpuna spremnost i opredijeljenost da periodično radimo na otvorenim i važnim pitanjima koja su pred nama zadata, kako bi našu legislativu uskladili s evropskom. To bi značilo definitivno i uključivanje predstavnika Distrikta u taj proces”, rekao je ministar Košarac.

Košarac je naveo da kao ministar zagovara da sva rješenja budu na principu 1+1+1, a to je entitet Republike Srpske, entitet Federacije BiH i **Brčko** distrikt BiH koji bi zajednički dali određen okvirni dokument na nivou BiH. „Na takav način želim da nastavimo naše kretanje procjenjujući da ćemo tako mnogo brže dolaziti do određenih rješenja u BiH i omogućiti da sa takvom koordinacijom i ostali nivoi vlasti, osim državnog, imaju na vrijeme informacije i da budu involvirani u procese”, rekao je Košarac.

Gradonačelnik Brčko distrikta BiH Siniša Milić istakao je da je ovo je jedan potpuno nov pristup koji afirmiše poziciju **Brčko** distrikta BiH, odnosno nižih nivoa vlasti idući za tim da odluke koje budu donesene na nivou Vijeća ministara BiH, odnosno ministarstva zaista istinski održavaju potrebe ljudi na terenu, uvažavajući još jednom specifičnu poziciju ili strukturu BiH.



„Siguran sam da ovo nije i posljednji sastanak ove vrste. Ministarstvo vanjske trgovine i ekonomskih odnosa je jedno od najvažnijih ministarstava na nivou BiH i siguran sam da ćemo u narednom periodu imati više nego dobru saradnju”, rekao je gradonačelnik Milić.

On je na sastanku sa ministrom Košarcem ukazao na potrebe **Brčko** distrikta BiH i zainteresovanost ove lokalne zajednice za uspostavljanje teretnog saobraćaja na graničnom prelazu **Brčko** – Gunja. „Iako to nije direktna nadležnost ministra, dobili smo čvrsta uvjerenja da će Vijeće ministara BiH stati iza potreba **Brčko** distrikta BiH da se što prije riješi pitanje ovog graničnog prelaza”, zaključio je Milić.

Brčko: Obuka kandidata prijavljenih po Programu samozapošljavanja u poljoprivredi

petak, 07 februar 2020 19:18

Autor **Radio Brcko**

Kategorija: Vijesti **Brčko**^[1]



U Omladinskom centru u **Brčkom** danas je započela obuka kandidata prijavljenih po Programu samozapošljavanja u Poljoprivredi na području distrikta za 2019. godinu .

Cilj ove aktivnosti je da se u poljoprivredi samozaposli određen broj lica koja ponude najbolje biznis planove. Programom samozapošljavanja u poljoprivredi obuhvaćena je kompletna primarna i sekundarna poljoprivredna proizvodnja – od uzgoja stoke, ribarstva, pčelarstva i ulaganja u objekte i mašine, kao i dodatne prerađivačke kapacitete.

Pojedinačan iznos sredstava kretaće se od 20 do 25 hiljada maraka, zavisno od procjene biznis plana.

„Namjera nam je da određen broj lica iz statusa nezaposlenog pređe u status poslodavca, da se zadrže ljudi na selu, poveća proizvodnja i na taj način podstiče razvoj sela“, ističe Perica Burgić, šef Odjeljenja za poljoprivredu, vodoprivredu i šumarstvo u **Vladi distrikta**.

Vlado Jevtić, direktor Zavoda za zapošljavanje u **Brčkom** kaže da su zadovoljni dosadašnjim rezultatima

Programa samozapošljavanja. Prema njegovim riječima dosadašnji program samozapošljavanja u privredi, odakle imamo kompletne rezultate, je pokazao da su polovina onih koji su prošli kroz program i dalje aktivni, a od te polovine trećina je zaposlila dodatne radnike.

„Za Zavod za zapošljavanje to je i najbitniji segment ovog programa, znači da nezaposlena lica iz sektora nezaposlenih lica prelaze u sektor poslodavaca, čime zapošljavaju dodatne radnike čime se unapređuje sam privredni segment distrikta“, istako je Jevtić.

Za Programa samozapošljavanja u poljoprivredi namijenjen licima aktivnim na Zavodu za zapošljavanje, Budžetom distrikta za prošlu godinu, izdvojeno je oko 550 hiljada maraka. Kroz Program samozapošljavanja u poljoprivredi ove godine trebalo bi biti samozaposleno od 25 do 27 lica sa Zavoda za zapošljavanje.

Da li će Sekretarijat za rad i radne odnose u **Brčkom** zaista zaštititi prava radnika?

subota, 08 februar 2020 17:08

Autor **RTRS**

Kategorija: Vijesti **Brčko**^[1]



Vlada u **Brčkom** u okviru reformi javne uprave uvodi Sekretarijat za rad i radne odnose umjesto resornog odjeljenja za šta se zalaže Sindikat. Nezadovoljstvo zbog toga u Sindikatu. Tvrdi da će interesi radnika u ovom slučaju i dalje ostati na margini društva i zajednice.

Vladini timovi rade na reformi javne uprave, u okviru koje bi, bio uspostavljen i Sekretarijat za rad i radne odnose, koji bi se isključivo bavio interesima zaposlenih i garancijama da njihova prava neće biti ugrožena.

- Riječ je o službi koja bi bilča izdignuta na nivo posebne službe. Nadam da ćemo negdje do kraja godine imati završenu tu reformu i da ćemo moći u budžetu za narednu godinu da planiramo sredstva i uspostavimo tu organizacionu jedinicu - izjavio je gradonačelnik Distrikta **Brčko** Siniša Milić.

Nakon 14 godina traženja da se u Vladi oformi jedinstveno odjeljenje koje bi se isključivo bavilo rješavanjem problema zaposlenih, ništa nije urađeno, kažu u Sindikatu. Od ove Vlade, konačno, očekuju rezultat.

- Ukoliko se desi da radnici i dalje budu na margini njihova prava, i da ih ne možemo na neki adekvatan način zaštititi, to će se

nastaviti. Ja očekujem da će se uozbiljiti, bar ova aktuelna vlast, i da će uvesti novo odjeljenje za rad - sekretar Sindikata Distrikta **Brčko** Ilija Kalajdžić.

U Sindikatu tvrde da se vlasti u **Brčkom** još nisu u potpunosti oslobodile politike OHR-a koji je, još dok je bio u punoj snazi, radnike smatrao smetnjom za dalji razvoj zajednice.

- Ne bi trebalo i dalje da se plašimo OHR-a koji je imao za cilj i imaperativ da umanje prava radnika gdje god je moguće, da bi podstakli investitore da dođu u **Brčko**. Šta imamo danas? Niti imamo stvarnih investicija, radnici nam odlaze, a ovi naši domaći investitori su se toliko osilili - naglasio je Kalajdžić.

U Udruženju privrednika, dijelu Ekonomsko- socijalnog savjeta, podržavaju uvođenje organizacione jedinice koja bi se bavila poslovanjem, bez obzira o kojoj formi je riječ. Važno im je da služba radi zakonito i bez zastoja.



Preduzeće „Termoelektro oprema“ Lopare Mjesečno isporučuju 150 tona zavarenih metalnih konstrukcija

Preduzeće „Termoelektro oprema“ jedno je od deset onih koji posluju u sastavu „Termoelektro grupacije“ iz **Brčkog**.

Ovo preduzeće u Loparama posluje od jula 2017. godine. Mladen Arsenović, direktor „Termoelektro opreme“, kaže da firma nešto duže od godinu posluje u Loparama te da mjesečno kupcima isporučuje oko 150 tona zavarenih metalnih konstrukcija.

- Naša firma bavi se proizvodnjom čeličnih konstrukcija i dijelova za industrijske objekte, željezare, termoelektrane i slične industrijske kapacitete. U ovoj godini imamo dobru obezbjeđenost posla i dugoročne ugovore s partnerima iz Njemačke i Austrije.

Obavljamo oko 40 posto poslova za domaće tržište, a 60 za strano. Poslove obezbjeđujemo direktnim ugovaranjem ili posredstvom matične firme „Termoelektro“ iz **Brčkog**, koja se bavi montažom dijelova i elemenata koje proizvodimo u fabrici u Loparama - kaže Arsenović.



Iz proizvodnog pogona

Imaju 75 zaposlenih radnika, a ovih dana imat će 85. Mjesec kasnije, od 1. marta, nadaju se da će imati oko 100 zaposlenih. U firmi rade mašinski inženjeri i tehničari na pripremi, a u proizvodnji bravari, zavarivači i operateri alatnih mašina.

Arsenović je 22 godine živio, školovao se i radio u Holandiji. Kaže da dobro poznaje tržište EU, te mu je dobro poznata situacija kada je u pitanju tržište radne snage kod nas i u Evropi.

- I nas, u metalnom sektoru, pogodio je trend odlaska radnika u zemlje EU. Uvijek imamo u vidu kvalitet i obučenost ljudi koji su nam neophodni u proizvod-

nji i taj kvalitet je sve upitniji.

Mi se možemo pohvaliti visokim nivoom lojalnosti radnika firmi. Upravni odbor i menadžment naše firme u **Brčkom** odlučio je da stipendira sve učenike Srednjoškolskog centra u Loparama koji se školuju za metalska zanimanja.

Riječ je o 29 učenika prvog i drugog razreda. Već imamo na praksi 13 učenika iz Lopara i dva iz Ugljevika. Osim što plaćamo praksu, učenici dobivaju i po 50 KM stipendije mjesečno. Svima koji završe školu, garantujemo zaposlenje - govori Arsenović.

Lj. LJUBOJEVIĆ



Obavljen uviđaj

Povređen u lančanom sudaru kod Brčkog

JEDNA OSOBA POVREĐENA je u saobraćajnoj nesreći koja se juče dogodila na obilaznici oko **Brčkog**, potvrđeno je u policiji.

Prema njihovim informacijama, reč je o lančanom sudaru dva automobila i kamiona.

Portparol policije **Brčko** distrikta Dževida Hukičević rekla je da je do saobraćajne nezgode, najverovatnije, došlo jer je vozač "golfa" nepropisno preticao.

Ona je dodala da je vozač "golfa" povređen i da je zadržan u brčanskoj bolnici na posmatranju.

Iz bolnice se nisu oglasili o ste-



Pretpostavlja se da je uzrok nesreće nepropisno preticanje, ali će sve biti poznato nakon obavljenih veštačenja

penu povreda koje je zadobio vozač "golfa".

Osim "golfa", u sudaru su učestvovali kamion i automobil "volvo".

- Saobraćajna nezgoda dogodila se između naselja Begovci i Brod, te je saobraćaj na tom delu puta bio obustavljen od 14. do 16.50. U tom periodu saobraćaj se odvijao kroz **Brčko** - pojasnila je Hukičevićeva.

Nakon što budu završena sva veštačenja, biće poznat tačan uzrok ove saobraćajne nesreće. **G. O. ■**



SDP kopa rovove ka DF-u

Član Predsjedništva SPD-a Miro Lazović za Oslobođenje govori o budućnosti stranaka ljevice, manama Izbornog zakona BiH te borbi za potpredsjednika FBiH

Razgovarao: **ADEM DŽAFEROVIĆ**

Gospodine Lazoviću, prije nekoliko dana ste burno reagovali na kritike upućene na račun predsjedavajućeg Predsjedništva BiH. Kako komentarišete to što Komšić skoro istim intenzitetom napada i HDZ i SDP?

- Činjenica je da se gospodin Komšić našao u etetu posljednjih mjeseci, a intenzitet napada HDZ-a i SDP-a je različit i ne bih rekao da imaju isti cilj. HDZ-u smeta Komšić kao član Predsjedništva BiH i smeta mu Izborni zakon koji omogućava da se biraju građani hrvatske nacionalnosti u Predsjedništvo, a ne ono što je HNS zacrtao, da se biraju podobni Hrvati koji odgovaraju HDZ-u.

Sukob s nacionalistima

Retorika koju je imao Dragan Čović je bila retorika koja nije odgovarala krajnjim ciljevima Bosne i Hercegovine i mislim da tu treba tražiti razlog zbog čega Željko Komšić dobija konstantno glasove građana BiH. Što se tiče SDP-a, rukovodstvo te stranke je posljednju godinu pojačalo retoriku i mislim da pretjerano svoje strelice upućuje DF-u i Komšiću, bez obzira na neslaganja sa pristupom Komšića i DF-a kada je riječ o državi i učešću u vlasti. Rukovodstvo SDP-a mora shvatiti da politička borba zahtijeva procjenu trenutnog stanja, a pogotovo viziju za buduću procese. U tom kontekstu, moraju predvidjeti da će procesi ujedinjavanja partija socijaldemokratske provenijencije morati doći na dnevni red. Te rovove između sebe i DF-a ne bi smjeli kopati na način kao što sada rade, već da nadu neki rječnik koji će izraziti njihovo nezadovoljstvo tom politikom, ali ta politika ne smije biti nepremostiva barijera prema budućim procesima ujedinjavanja partija socijaldemokratske orijentacije.

Svjedoci smo toga da se svako malo govori o ujedinjenju ljevice. Kakvu Vi budućnost predviđate lijevo orijentisanim strankama, mogu li vratiti povjerenje birača?

- Stranke lijeve orijentacije djeluju u jednom ustavnopravnom ambijentu koji im ne odgovara. Živimo ustavno uređenje koje afirmira podjele, dajući nacionalnim strankama da na tim podjelama grade svoje pozicije i moć. Puno će vremena još proći da bi se građanska opcija nametnula na cijelom prostoru BiH i kao nešto što je napredno i što odgovara svim građanima. Nažalost, nacionalne stranke su u prethodnih 20 godina na lošem ustavnom uređenju uspjele izgraditi svoju moć i mislim da je došlo vrijeme da se ta građanska opcija u institucijama vlasti sukobi s nacionalnim opcijama.

Koliko onda SPD može doprinijeti ujedinjenju ljevice?


- Pokret socijalne pravde i demokratije je nastao utrenucima kada smo procijenili da je socijaldemokracija

fragmentirana, da je građanska opcija potisnuta na margine političkog života i kada smo shvatili da je potrebno obrnuti procese. Obrnuti ih na način da se ponudi jedna platforma saradnje i ujedinjavanja građanskih partija. Tu platformu su prihvatili DF, GS i Socijaldemokrati, s tim da su se ovih dana javile Liberalna demokratska stranka i Stranka za bolje Brčko. Ta platforma će nastaviti djelovati, jer nam je krajnji cilj da na lokalne izbore SPD izade kao širok front političkih partija, koji će ponuditi zajedničke kandidate za načelnike i zajedničke liste u gotovo svim opštinama. Ubijeden sam da će ta platforma preživjeti trenutne probleme i lične sujeve pojedinih partija.

koja je u skladu s evropskim principima. Mislim da bez obzira na sve to treba otvoriti razgovor, dijalog je taj koji rješava sve probleme. Dobro je da je DF izašao sa svojim prijedlogom, nisam ga uspio u potpunosti pročitati, ali ono što sam vidio, on je na onim principima građanske orijentacije, afirmacije presude Suda za ljudska prava u Strasbourgu i sigurno je da će ti principi naći na otpor HNS-a, ali je dobra osnova za razgovor.

Hoće li i ove godine prići o novim tehnologijama u izbornom procesu naći na blokade u državnom Parlamentu?

- Bit će protivnika uvođenja elektronskog glasanja, jer ono na neki



Miro Lazović: Živimo ustavno uređenje koje afirmira podjele / DIDIER TORCHE

Vlast u Federaciji BiH još nije formirana. Može li se reći da HDZ pokušava profitirati kroz izmjene Izbornog zakona i vjerujete li da će prijedlog DF-a dobiti podršku?


- Ne podržavam ultimatum koji dolaze iz HNS-a o Izbornom zakonu, jer je potpuno jasno da je neprihvatljivo stvaranje etničkih izbornih jedinica u kojima bismo stavljali trake na ruke prilikom glasanja, da se zna ko je Hrvat, ko je Srbin i ko za koga glasa. To nije opcija koja je prihvatljiva za većinu stranaka u BiH i to nije opcija

Izborni zakon mora predviđati i vanredne izbore, na način da se oni raspišu, ukoliko se ne konstituiše vlast četiri ili šest mjeseci poslije redovnih izbora

način eliminiše mogućnost direktnih krada na izborima od pojedinaca u stranačkim odborima. Po mom mišljenju, suština izmjena Izbornog zakona nije samo u tome, iako je i to bitno. Izborni zakon se mora mijenjati na način da stabilizira politički prostor, a to znači da se cenzus od tri posto poveća na pet, zbog toga što u velikom konglomeratu političkih stranaka prolaze male partije s jednim ili dva poslanika i time se politički prostor pretvara u političku trgovinu. Politički prostor bi se tada i homogenizirao na način da se partije moraju ujedinjivati i saradivati.

Vjerujete li da će biti opstrukcija prilikom provedbe Programa reformi i koliko je za BiH važno približavanje NATO savezu?

- Mislim da se taj proces nastavlja s Programom reformi ili ANP-om, jer je to za mene isto. NATO-štab u Bruxellesu je već dva puta rekao da je to za njih prihvatljivo, jer prepoznaju dalji put BiH. Mislim da svaka polemika o ovom pitanju treba prestati.



NATO-put BiH je nezaustavljiv

NATO je u BiH, treba samo otići u Butmir i vidjeti ljude koju su stacionirani u vojnoj bazi. Također, nastavlja se i saradnja s ovim savezom, a to je i Dodik potpisao. Taj put je nezaustavljiv.

Predsjednik SNSD-a kaže kako neće odustati od pozicije potpredsjednika FBiH. Kako vidite razvoj ove situacije s obzirom na to da je i lider SDP-a najavio da će i ova stranka imati svoj prijedlog?

- Dodikov zahtjev može biti politički relevantan, ali je teško ostvariv u ovoj situaciji. Sve dok Dodik ne promijeni svoju politiku, počne zastupati

Neprihvatljivo je stvaranje etničkih izbornih jedinica u kojima bismo stavljali trake na ruke prilikom glasanja, da se zna ko je Hrvat, ko je Srbin i ko za koga glasa

onu koja će afirmirati državu Bosnu i Hercegovinu, i dok ne počne raditi na poboljšanju unutrašnjih odnosa, on taj zahtjev neće moći realizirati. Dakle, Dodik u ovom trenutku sa svojom retorikom daje sumnje u krajnje ciljeve njegove politike kada je u pitanju budućnost u BiH i zbog toga ne bi trebao i neće moći dobiti tu poziciju.

Potezi Dunovića

Ta funkcija nosi niz ingerencija koje omogućavaju blokade u institucijama izvršne vlasti unutar Federacije. SDP ima najviše delegata u Klubu Srba Doma naroda FBiH i oni će sigurno istaći svog kandidata, ali razumijevajući krajnji proces izbora potpredsjednika FBiH, teško će to i ostvariti. Milan Dunović je javno rekao da je on kandidat DF-a i vjerujem da će neko njega predložiti, jer ta stranka nema svojih delegata u Klubu Srba. Mislim da je on u ovom mandatu dosta korektno radio svoj posao i da je uradio niz poteza koji su doveli do toga da se promijene neke ustavne odredbe na način da se zadovolje pojedine populacije.



ПОСЛЕ ПОСЕТЕ МИНИСТРА КОШАРЦА БРЧКО ДИСТРИКТУ ЈАЧА САРАДЊА СА ЕНТИТЕТИМА

МИНИСТАР спољне трговине и економских односа БиХ Сташа Кошарац приликом недавне службене посете Брчко дистрикту БиХ и разговора са градоначелником Синишом Милићем изјавио је да ће то Министарство усаглашавати своје активности са властима Брчко дистрикта БиХ. - Желео бих да афирмишем сарадњу са ентитетским министрима уважавајући и специфичан статус Брчко дистрикта БиХ, као и са координатором Дистрикта у Савету министара БиХ. Постоји спремност да периодично радимо на важним питањима, како би нашу легислативу ускладили са европском - рекао је Кошарац.

Градоначелник Милић је истакао да је ово један нов приступ који афирмише позицију Брчко дистрикта БиХ. Он је указао на потребе Брчко дистрикта за успостављање теретног саобраћаја на граничном прелазу Брчко-Гуња.

- Иако то није директна надлежност министра, добили смо чврста уверења да ће Савет министара БиХ стати иза тога да се реши питање тог граничног прелаза - закључио је Милић.

М. Д.



Više državnih i međunarodnih organizacija, uključujući i sigurnosne službe, ima posve različite podatke, a fascinira da osciliraju s čak oko jedan milijun ljudi koji žive u BiH

CIA misli da je u BiH 3,8 mil. stanovnika, Agencija 3,5, demografi da nas je svega 2,7 mil.

Zoran Krešić

Nitko pouzdano ne zna koliko u BiH živi ljudi pa službenoj statistici od 3,5 milijuna stanovnika, koju se može promatrati kao točan zbroj netočnih podataka, malo tko vjeruje. Naime, podaci sa službenog popisa pučanstva i najpesimističnije procjene o 2,7 milijuna stanovnika koji stalno žive u BiH govore o razlici od čak 800.000 ljudi, što je gotovo identično broju stanovnika koji imaju Sarajevska i Zeničko-dobojska županija. I sama Agencija za statistiku BiH u dokumentu "Anketa o radnoj snazi 2018." procijenila je kako zemlja trenutno ima oko 2,7 milijuna stanovnika.

Zbroj netočnih podataka

To je pak drastično manje od podataka kojima barataju službene institucije, što pak sugerira o tome kako je potrebno mijenjati metodologiju eventualnog sljedećeg popisa pučanstva, ako se uopće održi, ali i pokazuje poražavajuću činjenicu da institucije nemaju jasnih instrumenata kojima mogu nadzirati kretanje svojih stanovnika niti voditi iole približnu statistiku. A upravo je takvo što ključno za bilo kakvo planiranje, donošenje bilo kakvih odluka, politika, ekonomskih i društvenih mjera. Tako je popis 2013. "utvrdio" da je u BiH upisano 3.531.159 stalnih stanovnika. Od toga, u entitetu Federacija BiH živi 2.219.220 stanovnika (62,85 posto), u entitetu Republika Srpska 1.228.423 stanovnika (34,79 posto), a u Distriktu Brčko 83.516 stanovnika (2,37 posto). Kada je pak u

pitanju nacionalna struktura, u BiH živi 50,11 posto stanovnika koji su se izjasnili kao Bošnjaci, njih 30,78 posto izjasnilo se kao Srbi, a Hrvata je 15,43 posto. Nacionalno se nije izjasnilo 0,77 posto stanovništva, dok je manje od tri posto u kategoriji ostalih, u što ulaze pripadnici 17 nacionalnih manjina te druge etničke skupine. Američka sigurnosna agencija (CIA) je najoptimističnija. Po njihovim podacima, a objavili su čak egzaktne brojke, u BiH živi 3.835.586 stanovnika. I ova agencija navodi identičnu nacionalnu strukturu od 50,1 posto Bošnjaka, 30,8 posto Srba te 15,4 posto Hrvata. Istodobno pak, po procjenama Svjetske banke, koja redovito daje procjene stanovništva objavljujući i druge društvene te ekonomske parametre, u BiH je u 2019. godini bilo 3.323.929 stanovnika. Najbliži tim podacima su Ujedinjeni narodi koji također imaju svoje metode procjene pučanstva. Po njima, BiH se nalazi na 135. mjestu ljestvice zemalja svijeta, a u njoj živi 3.288.632 stanovnika. Takve podatke ova svjetska agencija vezuje uz početak 2020. godine. Istodobno, procjene za sredinu ove godine govore da će u njoj biti manje za oko 8000 ljudi, odnosno da će živjeti 3.280.819 osoba. U ovoj pak agenciji procjenjuju da će do 2050. godine u BiH biti manje od 3 milijuna stanovnika te da je svake godine negativan prirodni prirast s 4439 ljudi. No, za razliku od stranih ocjena, domaći demografi, analitičari, pa čak i procjene službenih agencija, govore o značajno manje ljudi. Tako Fe-

deralni zavod za statistiku tvrdi kako je u entitetu sredinom 2019. godine živjelo 2.190.098 ljudi, što je pak 29.112 stanovnika manje nego po popisu čiji su rezultati provedeni 2013. godine, a objavljeni tri godine kasnije. Pri tome najbolje stoji Sarajevska županija, a najlošije je stanje u Unsko-sanskoj, Srednjobosanskoj i Hercegbosanskoj županiji, otkuda, po ovim podacima, migrira najviše ljudi.

Manje 21.700 studenata

I u RS-u procjene tamošnje Agencije za statistiku govore o desecima tisuća ljudi manje. Iznimno šokantne podatke nedavno je iznio analitičar Faruk Hadžić. Po njemu, za godinu dana BiH je napustilo 183.000 ljudi. Dodao je kako se u manje od pet godina smanjio broj studenata za 21.700, a 26.000 učenika srednjih škola manje je u klupama. U osnovne škole upisano je 17.300 učenika manje u ovoj školskoj godini za razliku od razdoblja od prije pet godina, što je manje za čak 890 razreda. Po njegovim procjenama, u BiH danas živi svega 2,7 milijuna stanovnika s tendencijom drastičnijeg smanjenja nakon što Njemačka od 1. ožujka dodatno olakša zaposlenje.

**SLUŽBENI POPIS
SLUŽI SAMO
POLITIČARIMA,
PADA BROJ
STANOVNIKA U
OBA ENTITETA**

1
Popis iz 2013.
napuhan

Veliki broj političara
i analitičara tvrdio je
kako je popis iz 2013.
umjetno pokazao
da u BiH živi nešto
više od 3,5 milijuna
stanovnika

2
Manje za
29.000 ljudi

Federalna agencija
za statistiku objavila
je kako procjene za
sredinu 2019. govore
da je u BiH 29.000
ljudi manje nego
2013. godine

3
Zov
Njemačke

Od 1. ožujka
ove godine
pojednostavljuje se
dobivanje posla u
Njemačkoj, što će
zasigurno odvući
veliki broj ljudi





Zatvori u BiH: Kakvi su uvjeti u njima i kakve su kazne predviđene osuđennicima

Struka podijeljena o doživotnom zatvoru, kazna do godinu može se i otkupiti

Braco Selimović

Prvi državni zatvor trebao bi primiti prve zatvorenike i pritvorenike u svibnju ili lipnju ove godine, rečeno je krajem 2019. iz Ministarstva pravosuđa BiH. Državni zatvor, vrijedan 80 milijuna KM, smješten je u Vojkovićima u Istočnom Sarajevu, a među prvim "stanarima" očekuju se osuđenici na višegodišnje kazne, počinitelji teških ubojstava, ratni zločinci, teroristi... Uvjeti u prvom državnom zatvoru su "europski". Komplex zatvora čini 10 objekata, u trima će biti smješteni zatvorenici i pritvorenici, dok su ostali objekti bolnica, kuhinja, sportska i fitness-dvorana, radionica, kantina, prostor za vjerske potrebe...

"Hotel" u odnosu na druge

Jasno je da je prvi državni zatvor u odnosu na većinu drugih ustanova ove namjene u BiH pravi "hotel". No, ni u drugim bh. zatvorima uvjeti nisu pretjerano loši. Najstroži zatvor u BiH je onaj u Foči gdje je, navodno, svaki treći zatvorenik osuđen zbog ubojstva. A jedan od najpoznatijih zatvora u BiH, ali i šire, jest u pjesmi Zabranjenog pušenja opjevani KPZ Zenica, za koji kažu da je najzloglasniji zatvor na Balkanu. U zeničkom zatvoru su ubojice, razbojnici, ratni zločinci, silovatelji, otmičari, dileri... KPZ Zenica postoji više od 130 godina, a od otvorenja do danas kroz njega je prošlo više od 70.000 osoba. KP zavodi poluotvorenog tipa nalaze se u Mostaru i Sarajevu i oni slove kao zatvori koje bi vrlo rado izabrali i osuđenici. Kada su u pitanju zatvorske kazne, prema Kaznenom

zakonu Bosne i Hercegovine, za najteža kaznena djela nije predviđen doživotni zatvor. Najteža kazna zatvora kreće se od 21 do 45 godina. Struka je podijeljena o eventualnom uvođenju doživotnog zatvora u BiH. Takva inicijativa postoji u Republici Srpskoj, na razini BiH još nema rasprave o tome.

Prije svega, to bi se odnosilo na kaznena djela u kojima su žrtve djeca, po uzoru na nedavno usvojeni "Tijanin zakon" u susjednoj Srbiji. Tako bi dugotrajna kazna zatvora bila zamijenjena doživotnom kaznom. Kada je riječ o kaznama dugotrajnog zatvora za ubojstva na osobito okrutan način, za što se u BiH može izreći maksimalno 45 godina, najvišu je do sada izrekao Županijski sud u Mostaru Jasminu Jašareviću, koji je silovao Ramizu Rahimić i prerezao joj vrat te naknadno na istovjetan način likvidirao fotografa Antu Borasa 2005. godine. Za prvi zločin dobio je 22, za drugi 30 godina pa je sve objedinjeno u jedinstvenu kaznu od 42 godine zatvora. Dvije godine manje dobio je Tomislav Petrović iz zaseoka Trstje u Gornjoj Lipnici kod Tuzle, koji je 29. svibnja 2008. hladnokrvno ubio šest susjeda pa dobio 40 godina, uz obvezno psihijatrijsko liječenje. Po 40 godina dobili su i Muriz Brkić i Avdija Selimović koji su na okrutan način mučili i ubili Arnelu Đogić te je bacili niz liticu pa se veselili i pili koristeći njezin novac.

Zatvorsku kaznu od 40 godina dobio je i kriminalac Zijad Turković, a vebabija Muamer Topalović osuđen je na 35 godina za trostruko ubojstvo u Kostaj-

nici kod Konjica na Badnju večer 2002. godine. Mevlid Jašarević, optužen za terorizam, pravomoćno je osuđen na 15 godina.

Otkup kazne

Pojedini odvjetnici smatraju kako doživotna kazna nije dobro rješenje. "Prevladavajuće mišljenje u svijetu jest da je doživotni zatvor gori od smrtne kazne. Dakle, nedavanje mogućnosti rehabilitacije negira samu kaznu. To je odmazda", kazao je odvjetnik Vlado Adamović.

No, na kraju kažimo i to, u Bosni i Hercegovini zatvorska kazna može se i otkupiti. Zamjena zatvorske kazne za novčanu propisana je kaznenim zakonima na svim razinama u BiH. U FBiH, Brčkom i na razini BiH propisano je da će kazne do jedne godine biti zamijenjene za novčane svakom osuđeniku koji to zatraži. Za FBiH i Brčko određena je cijena od 100 maraka po danu zatvora, a na Sudu BiH može biti i niža, ovisno o primanju osuđenika. Donošenjem novog Kaznenog zakona 2017. godine, u Republici Srpskoj izbrisana je mogućnost zamjene kazne, ali se mogu zamjenjivati kazne do pola godine za djela počinjena prije donošenja ovog zakona.

Prema KZ BiH, za najteža kaznena djela nije predviđen doživotni zatvor. Pojedini odvjetnici smatraju da doživotna kazna nije dobro rješenje



KPZ ZENICA danas "ugošćuje" ubojice, razbojnike, ratne zločince, silovatelje, otmičare, dilere droge te razne druge kriminalce